

CYNGOR SIR YNYS MÔN	
Adroddiad i:	Pwyllgor Gwaith
Dyddiad:	28/10/2019
Pwnc:	Cwrs Golff Llangefni
Aelod(au) Portffolio:	Y Cyngorydd Carwyn Jones
Pennaeth Gwasanaeth:	Dylan Williams
Awdur yr Adroddiad: Rhif Ffôn: E-bost:	Tudur Jones (Swyddog Datblygu Economaidd) 01248 752 146 TudurJones@ynysmon.gov.uk
Aelodau Lleol:	Yr holl Aelodau

A – Argymhelliad/Argymhellion a'r Rheswm/Rhesymau

Argymhellion

1. Bod y Pwyllgor Gwaith yn ystyried cynnwys yr adroddiad a'r ymatebion a gafwyd i'r prosesau ymgynghori hyd yma.
2. Bod y Pwyllgor Gwaith yn cefnogi'n llwyr ac yn cymeradwyo argymhelliad y Gwasanaeth Rheoleiddio a Datblygu Economaidd i ymgymryd â'r gwaith o baratoi asesiadau effaith pellach (yn gwbl unol â gofynion y ddeddfwriaeth berthnasol)
3. Bod y Pwyllgor Gwaith yn cefnogi ac yn cymeradwyo cyfnod pellach o ymgynghori â'r cyhoedd.

1.0 Cyd-destun a Chefndir

Agorwyd cwrs golff cyhoeddus Llangefni ym 1983 gan Gyngor Bwrdeistref Ynys Môn ar y pryd i ddarparu cyfleuster "talw a chwarae" cost isel ar gyfer golffwyr lefel dechreuwyr a chanolraddol.

Rhwng y blynyddoedd 2007 a 2014 roedd y cwrs golff a'r maes ymarfer golff gyrru yn gwneud colledion o £28,000 bob blwyddyn ar gyfartaledd a bu'n rhaid i'r Cyngor Sir roi cymhorthdal tuag atynt.

Yn dilyn nifer o fynegiadau o ddiddordeb, gwnaed penderfyniad gan y Pwyllgor Gwaith ar 26 Mai 2015 i drosglwyddo rheolaeth y cwrs golff a'r cyfrifoldeb o'i redeg i Bartneriaeth Llangefni.

Ar ôl adolygu ei berfformiad ariannol ac astudiaeth ddichonoldeb annibynnol, penderfynodd Bwrdd Partneriaeth Llangefni yn unfrydol na fyddai'n ariannol ymarferol i gynnal lefelau'r

buddsoddiad y byddai ei angen i ddatblygu a chynnal y cyfleuster. Felly, ni wnaeth Partneriaeth Llangefni gais i estyn y brydles, na gofyn am Drosglwyddiad Ased Cymunedol gan y Cyngor Sir, a dychwelwyd y cyfrifoldeb am y cwrs i'r Cyngor hwn ym mis Hydref 2018.

Ym mis Mai 2018 rhoddwyd cefnogaeth mewn egwyddor gan y Pwyllgor Gwaith i argymhelliad i gael gwared ar yr annedd o'r enw Ffridd, a'r 41 erw o'i gwmpas, ar y farchnad agored (gyda'r arian cyfalaf a dderbynnid yn cael ei neilltuo i'w ailfuddsoddi yn y canolfannau hamdden i wella cyfleusterau).

Er mwyn cael gwared ar gaeau chwarae mae yna broses statudol y mae'n rhaid i sefydliadau ei dilyn i gydymffurfio.

Ers i'r cyfleuster gael ei drosglwyddo'n ôl i'r Cyngor Sir ym mis Hydref 2018, mae'r Gwasanaeth Rheoleiddio a Datblygu Economaidd wedi:

- a) Hydref 2018 - Ionawr 2019: Cynorthwyo'r Gwasanaethau Eiddo i hwyluso cael tenant ar gyfer y maes ymarfer golff, gan ddiogelu dyfodol tymor hir yr ased i'r cyhoedd;
- b) Chwefror 2019 - Mawrth 2019: Deall a pharatoi ffiniau a chynlluniau terfynol y safleoedd i'w cynnwys fel rhan o unrhyw ymgynghoriad
- c) Ebrill 2019 - Gorffennaf: Cynnal ymgynghoriad cyhoeddus ar ddyfodol y cwrs golff
- d) Gorffennaf 2019: Cynnal adolygiad o'r sylwadau a gafwyd a phenderfynu cynnal ymgynghoriad pellach oherwydd y nifer isel iawn o ymatebion
- e) Gorffennaf 2019 - Medi 2019: Ymgynghoriad cyhoeddus pellach ar ddyfodol y cwrs golff ond nifer yr ymatebion yn parhau i fod yn isel iawn
- f) Hydref 2019: Gwerthuso ac arfarnu'r broses gyda'r bwriad o gymryd camau pellach

2.0 Trosolwg o'r Ymatebion i'r Ymgynghoriad

Cynhaliwyd ymgynghoriad cyhoeddus eang i sicrhau y cydymffurfir â Pholisi a Gweithdrefnau Rheoli Asedau'r Cyngor Sir (2016) a'r Rheoliadau Meysydd Chwarae (Ymgysylltiad Cymunedol a Phenderfyniadau Gwaredu (Cymru) 2015.

O ystyried natur gymhleth a sensitif bosib unrhyw broses i gael gwared ar ased, bu'n rhaid i'r Cyngor Sir sicrhau bod yr holl brosesau yn drylwyr ac yn gadarn er mwyn osgoi unrhyw her gyfreithiol bosib.

Er gwaethaf hysbysebu'r ymgynghoriad yn eang ar safle'r cwrs golff, ar-lein a thrwy gyfryngau cymdeithasol a phrint, mae'n siomedig mai dim ond 86 o unigolion a ymatebodd. Roedd 51% o'r ymatebwyr yn cytuno â chynnig y Cyngor Sir i gael gwared ar yr ased, ac roedd 49% yn anghytuno.

Mae'r holl sylwadau wedi'u hystyried yn ofalus ac ymatebwyd iddynt yn fanwl fel rhan o'n rhwymedigaethau statudol. Mae'r rhestr lawn o'r sylwadau ac ymatebion y Cyngor Sir i'w gweld yn Atodiad A.

Crynohoir y sylwadau isod

- a) Mae'n opsiwn cost isel i dalu fel rydych chi'n chwarae ar gyfer y rheini sy'n mwynhau golff ond na allant fforddio ymuno â chlwb golff...
- b) Pam ddylai trethdalwyr Ynys Môn barhau i roi cymhorthdal tuag at gwrs golff...
- c) Mae'n gadarnhaol iawn bod yr unig faes ymarfer golff ar yr Ynys yn parhau i fod ar agor...
- d) Dylai fod ymrwymiad pellach bod y maes ymarfer, y llecynnau ymarfer eraill a'r siop yn parhau i fod ar agor i'r cyhoedd yn y tymor hir...
- e) Bod cyfran o'r derbynion cyfalaf yn cael ei neilltuo i ddatblygu golff ar yr Ynys...
- f) Mae mwy o bobl o bob oed yn defnyddio'r cyfleusterau amrywiol yn Plas Arthur na'r cwrs golff...
- g) Dylid ei gadw fel cwrs golff ...
- h) Mae'r maes ymarfer golff yn dod yn gyfleuster gwyhmae Ynys Môn wir angen cwrs golff Llangefni
- i) Mae'r ffaith ei fod angen cymhorthdal yn dangos nad yw'n gynaliadwy ...
- j) Mae'n drueni bod yn rhaid iddo gau ond mae llawer o gyrsiau golff eraill yn Ynys Môn a Gwynedd. Mae'r maes ymarfer golff yn ardderchog nawr ...
- k) Cynnig cibddall iawn gan fod angen ailadeiladu'r canolfannau hamdden nid dim ond cuddio gwendidau â gwelliannau amhroffidiol...
- l) Yn hytrach na chael gwared arno'n llwyr, gofynnwn a oes angen cadw'r safle fel math arall o fan agored cyhoeddus ...

Ar ôl roi ystyriaeth lawn i'r sylwadau a ddaeth i law, mae Swyddogion yn parhau i fod o'r farn cychwynnol bod penderfyniad gwreiddiol y Pwyllgor Gwaith ym mis Mai 2018 yn parhau i fod yr un cywir, a bod cael gwared ar y cwrs golff yn gyfle i fuddsoddi mewn cyfleusterau hamdden lleol i wireddu buddion lles ac iechyd ehangach.

Asesiadau o'r Effaith

Mae'r Ddeddfwriaeth a amlinellir uchod yn nodi bod yn rhaid cynnal asesiad digonol o effaith y bwriad i gael gwared ar y cwrs golff, gan gynnwys:

- a) Effeithiau ar Gynllun Datblygu Lleol ar y Cyd (CDLIC) y Cyngor Sir
- b) Effeithiau ar Asesiad Digonolrwydd Chwarae'r Cyngor Sir, a
- c) Effeithiau ar Gynllun Llesiant Lleol Môn a Gwynedd y Cyngor Sir.

Yn ogystal, mae Mesur 44 y Gymraeg (Cymru) 2015, yn nodi'r angen i ystyried yr effeithiau ar y Gymraeg trwy'r Asesiad o'r Effaith ar Gydraddoldeb.

4.0 Y Camau Nesaf

Bod swyddogion yn ystyried ac yn paratoi asesiadau o'r effaith yn unol â'r gofynion a amlinellir uchod ac yn cynnal ymarfer ymgynghori cyhoeddus pellach. Mae'r rhain yn ofynion statudol i sicrhau y cydymffurfir yn llawn â deddfwriaeth berthnasol (fel yr amlinellwyd).

Yna, cyflwynir adroddiad llawn i'r Pwyllgor Gwaith wneud penderfyniad terfynol.

B – Pa opsiynau eraill wnaethoch chi eu hystyried a beth oedd eich rhesymau dros eu gwrthod ac/neu ddewis yr opsiwn hwn?

Amherthnasol

C – Am ba reswm y mae hwn yn benderfyniad i'r Pwyllgor Gwaith?

Ym mis Mai 2018 gwnaed penderfyniad mewn egwyddor gan y Pwyllgor Gwaith i gymeradwyo a chefnogi gwerthu 'Ffridd' a thir y cwrs golff ar y farchnad agored.

CH – A yw'r penderfyniad hwn yn gyson â'r polisi a gymeradwywyd gan y Cyngor llawn?

Ydi.

D – A yw'r penderfyniad hwn o fewn y gyllideb a gymeradwywyd gan y Cyngor?

Ydi

DD – Gyda phwy wnaethoch chi ymgynghori?		Beth oedd eu sylwadau?
1	Prif Weithredwr / Uwch Dim Arweinyddiaeth (UDA) (mandadol)	
2	Cyllid / Adran 151 (mandadol)	
3	Cyfreithiol / Swyddog Monitro (mandadol)	
4	Adnoddau Dynol (AD)	
5	Eiddo	
6	Technoleg Gwybodaeth Cyfathrebu (TGCh)	
7	Caffael	
8	Sgriwtini	
8	Aelodau Lleol	
9	Unrhyw gyrff allanol eraill	

E – Risgiau ac unrhyw gamau lliniaru (os yn berthnasol)		
1	Economaidd	
2	Gwrthdlodi	
3	Trosedd ac Anhrefn	
4	Amgylcheddol	
5	Cydraddoldebau	Gwnaed Asesiad o'r Effaith ar Gydraddoldebau (AEG) ac fe'i cyhoeddwyd fel rhan o'r pecyn ymgynghori. Os cynhelir ymgynghoriad pellach, byddwn hefyd yn

		ceisio barn y cyhoedd ar ein canfyddiadau ac yn gofyn yn benodol a yw'r effaith ar y Gymraeg a grwpiau gwarchodedig wedi'i hystyried yn llawn fel rhan o'r Asesiad o'r Effaith ar Gydraddoldeb.
6	Cytundebau Canlyniad	
7	Arall	

F - Atodiadau:
A- Dogfennau Ymgynghori ac Ymatebion CSYM.

FF - Papurau Cefndir (cysylltwch os gwelwch yn dda gydag awdur yr Adroddiad am unrhyw wybodaeth bellach):

1. Yn dilyn ymgynghori, mae Cyngor Sir Ynys Môn o'r farn: Y dylai tir Cwrs Golff Llangefni a thŷ'r Ffridd gael eu gwerthu ar y farchnad agored, bod y derbyniadau cyfalaf yn cael eu neilltuo'n benodol a'u hail-fuddsoddi ym Mhlas Arthur er mwyn ychwanegu at a gwella'r ystod o weithgareddau sydd ar gael a bod y llain ymarfer, yr ardaloedd ymarfer a'r siop yn parhau i fod ar agor i'r cyhoedd. A ydych chi'n cytuno â'r cynigion hyn?

			Canran yr Ymateb	Cyfanswm yr Ymateb
1	Ydw		50.59%	43
2	Nac Ydw		49.41%	42

Sylwadau: (47)	Sylw a Wnaed	Ymateb y Cyngor Sir
1 <u>09/04/2019 14:38 PM</u> <u>ID: 113677113</u>	Mae'r cwrs golff yn darparu opsiwn talu wrth ddefnyddio ar gyfer y rhai sy'n mwynhau golff ond sydd ddim yn gallu fforddio i ymuno â chlwb golff.	Cydnabyddir hyn ac aethpwyd i'r afael â'r mater yn yr Asesiad Effaith ar Gydraddoldeb. Credwn fod opsiynau eraill ar gael - Storws Wen a Bae Trearddur a bydd y llain ymarfer yn parhau i fod ar agor i'r cyhoedd ei defnyddio.
2 <u>09/04/2019 15:21 PM</u> <u>ID: 113681065</u>	Pam ddylai trethdalwyr Ynys Môn barhau i sybsideiddio cwrs golff pan mae cyfleusterau eraill eisoes ar gael mewn sawl lleoliad ar draws yr Ynys? Er mwyn parhau i fod yn gystadleuol ac yn gynaliadwy, bydd angen i'r cyrsiau sy'n weddill yn y sector preifat gynnig gwell darpariaeth ar gyfer dechreuwyr a phobl ifanc. Rwy'n credu ei bod yn wirioneddol gadarnhaol bod yr unig lain ymarfer ar yr Ynys yn cael ei chadw ar agor a bod yr elw a wneir yn sgil cael gwared ar y tir yn cael ei glustnodi'n penodol i bwrpas chwaraeon / hamdden yn lleol.	Rydym wedi ymgynghori â'r cyrsiau golff eraill ar yr ynys fel rhan o'r broses hon ac mae'r rhai a ymatebodd wedi cadarnhau eu bod yn gwneud mwy i ddenu a dal gafael mewn chwaraewyr. Bydd y llain ymarfer yn cael ei chadw ar agor ac mae cryn fuddsoddiad yn digwydd yno ar hyn o bryd.
3 <u>09/04/2019 15:27 PM</u> <u>ID: 113680695</u>	Dylai fod ymrwymiad pellach i sicrhau fod y llain ymarfer, yr ardaloedd ymarfer a'r siop yn parhau i fod ar agor i'r cyhoedd yn y tymor hir. Dylid hefyd ail-fuddsoddi'r derbyniadau cyfalaf yn y llain ymarfer fel y gellir cynnig gwersi i'r genhedlaeth nesaf (gwryw a benyw) am brisiau gostyngol neu am ddim. Byddai hyn yn hyrwyddo golff fel camp ac yn cynorthwyo i wyrdroi'r tueddiadau cyfredol. Ni ddylid defnyddio gweddill yr arian sydd wedi'i glustnodi i bwrpas cynnal a chadw Plas Arthur a rhaid iddo ychwanegu gwerth / gwella'r darpariaethau cyfredol.	Mae buddsoddiad sylweddol yn mynd rhagddo ar hyn o bryd yn y llain ymarfer ac mae'r Cyngor Sir a'i denant yn parhau i fod yn ymrwymedig i'w lwyddiant. Bydd yr holl dderbyniadau cyfalaf yn cael eu neilltuo ar gyfer gwella'r ddarpariaeth yn Plas Arthur. Rydym yn ymwybodol bod tenant y llain ymarfer wedi ymrwymo i ddenu'r genhedlaeth nesaf o bobl ifanc i'r gêm. Bydd y Cyngor Sir yn trafod hyn gyda'r tenant.
4 <u>10/04/2019 08:51 AM</u> <u>ID: 113734551</u>	Cadarnhaol iawn	Nodwyd y sylw.

5	<u>10/04/2019 12:03 PM</u> <u>ID: 113756613</u>	Fodd bynnag, byddwn yn awgrymu bod cyfran o'r derbyniadau cyfalaf yn cael eu neilltuo'n benodol i ddatblygu'r gêm golff ar yr Ynys. Mae'n anfoesol gwneud i fwrdd â 'chlw b golff sy'n bwydo clybiau eraill' heb ddarparu dewis arall addas. Rwyf hefyd yn gwrthwynebu'r cyfeiriad at golff fel camp elitaidd. Mae Baron Hill yn cynnig aelodaeth iau am £20 y flwyddyn (£40 gyda Cherdyn Maes Golff). Mae dyfodol golff yn dibynnu ar ddod â thalent ifanc ymlaen i sicrhau dyfodol cynaliadwy i golff ar yr Ynys. Rhaid gwneud mwy i weithio gyda'n gilydd (gyda'r Llain Ymarfer) i gynyddu cyfranogiad.	Er ei bod yn gywir bod Llangefni yn "glwb golff sy'n bwydo clybiau eraill", bydd y llain ymarfer yn parhau i fod yn ddarpariaeth i ddysgwyr ddechrau a gwella eu gêm. Mae cyrsiau Storws Wen a Bae Trearddur yn parhau i fod ar agor i ddechreuwy'r rhai sy'n dymuno chwarae'n fwy anffurfiol. Trwy ein hymgyngghoriad â'r clybiau golff eraill ar yr ynys, maent i gyd wedi mynegi parodrwydd i weithio ar y cyd â'r llain ymarfer.
6	<u>10/04/2019 19:35 PM</u> <u>ID: 113803975</u>	Byddwn yn tybio bod mwy o bobl o bob oed yn defnyddio'r cyfleusterau amrywiol ym Mhlas Arthur na'r cwrs golff. Byddai'n syniad da felly buddsoddi mwy yn y ganolfan hamdden.	Barn y Cyngor Sir (fel y cyfeirir at hyn yn ein hadroddiad) yw bod gwella'r ddarpariaeth ym Mhlas Arthur i gynnwys mwy o bobl yn y gymuned yn well defnydd o adnoddau.
7	<u>10/04/2019 19:50 PM</u> <u>ID: 113805011</u>	Pam cau'r cwrs i ariannu'r ganolfan hamdden? Mor siomedig, wedi bod yn mynd ers blyneddoddd	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Dylid nodi hefyd bod y cwrs golff yn wasanaeth dewisol.
8	<u>10/04/2019 19:58 PM</u> <u>ID: 113805303</u>	Very disappointed that the golf course has been closed in order to provide more funding for Plas Arthur having been a regular customer for years	Fel uchod.
9	<u>10/04/2019 20:52 PM</u> <u>ID: 113808328</u>	Dylid ei gadw fel cwrs golff, yn lle adeiladu mwy a mwy o dai ar yr ynys.	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Byddai'r tir (41 erw) yn cael ei farchnata ynghyd ag aelwyd y Ffridd fel mân-ddaliad. Mae'r tir y tu allan i'r ffin ddatblygu ar gyfer tai ac mae tir wedi ei ddynodi ar gyfer tai yn Llangefni o fewn y JLDP. Bydd y llain ymarfer yn parhau i fod ar agor i'r cyhoedd. Dylid nodi hefyd bod y cwrs golff yn wasanaeth dewisol.
10	<u>10/04/2019 21:23 PM</u> <u>ID: 113810705</u>	Rydym yn talu treth gyngor am y gwasanaethau hyn a dylid eu cadw ar agor, fel arall ni fydd mwy o blant yn cael dysgu'r gweithgareddau hyn oherwydd na fedrwn fforddio talu prisiau uwch i berchnogion cyfleusterau preifat	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Bydd y llain ymarfer yn parhau i fod ar agor i'r cyhoedd. Dylid nodi hefyd bod y cwrs golff yn wasanaeth dewisol.
11	<u>10/04/2019 22:23 PM</u> <u>ID: 113813448</u>	Mae'r llain ymarfer yn datblygu i fod yn gyfleuster gwyh. Mae'r pro PGA yn gwneud ymdrechion mawr i annog golffwyr newydd a fengach. Ond ers cau'r cwrs 9	Trwy ein hymgyngghoriad gyda'r clybiau golff eraill ar yr ynys, maent i gyd wedi mynegi parodrwydd i weithio ar y cyd â'r llain ymarfer ac i groesawu chwaraewyr newydd i'w cyrsiau.

		twll yn Llandaniel Fab, dim ond y cwrs 9 twll sydd bellach yng Ngwesty'r Beach, Bae Trearddur iddyn nhw ei ddefnyddio fel y cam nesaf i chwarae'r gêm. Byddai neidio'n syth i mewn i un o'r clybiau golff preifat yn ormod i'r mwyafrif. Mae Ynys Môn wir angen y cwrs yn Llangefni.	Mae Storws Wen hefyd yn parhau i fod ar agor i'r cyhoedd fel cwrs lefel mynediad.
12	<u>10/04/2019 22:48 PM</u> <u>ID: 113814659</u>	Mae'r cwrs golff yn un o'r unig gyfleusterau chwaraeon nad yw'n seiliedig ar bêl-droed. Bydd y cyngor yn torri'r coed i lawr ac yn adeiladu tai ac archfarchnad yn ôl pob tebyg ac yn lladd y dref ymhellach.	Mae'r Cyngor Sir yn annog nifer o chwaraeon ar wahân i bêl-droed. Bydd y derbyniadau cyfalaf a dderbynnir yn cael eu neilltuo'n benodol a'u gwario ar wella'r ddarpariaeth ym Mhlas Arthur ymhellach er mwyn i bob aelod o'r gymuned eu mwynhau. Gan fod y tir y tu allan i ffin ddatblygu Llangefni, bydd y Cyngor Sir yn marchnata'r tir a'r tŷ fel mân-ddaliad bychan.
13	<u>10/04/2019 22:50 PM</u> <u>ID: 113814772</u>	Mae'r cwrs golff yn un o'r unig gyfleusterau chwaraeon nad yw'n seiliedig ar bêl-droed. Bydd y cyngor yn torri'r coed i lawr ac yn adeiladu tai ac archfarchnad yn ôl pob tebyg ac yn lladd y dref ymhellach. Cytuno ag eitem 3. Ond dim pwynt cael y siop os nad oes cwrs golff. Beth wnaeth y cyngor i hyrwyddo'r cwrs?	Mae'r Cyngor Sir yn annog nifer o chwaraeon ar wahân i bêl-droed. Bydd y derbyniadau cyfalaf a dderbynnir yn cael eu neilltuo'n benodol a'u gwario ar wella'r ddarpariaeth ym Mhlas Arthur ymhellach er mwyn i bob aelod o'r gymuned eu mwynhau. Gan fod y tir y tu allan i ffin ddatblygu Llangefni, bydd y Cyngor Sir yn marchnata'r tir a'r tŷ fel mân-ddaliad bychan. Bydd y llain ymarfer yn aros fel y mae a bydd yr hyn sydd gan y siop i'w gynnig yn newid. Mae'r cwrs golff, yn unigol ac mewn cydweithrediad â Menter Gymdeithasol Llangefni wedi buddsoddi er mwyn hyrwyddo'r cwrs. Roedd hyn yn cynnwys adeiladu gwefan.
14	<u>11/04/2019 06:56 AM</u> <u>ID: 113823442</u>	Mae'n darparu cyfleuster hamdden lleol pwysig iawn, gyda lleoliad canolog ar yr ynys.	Bydd y derbyniadau cyfalaf yn cael eu hail-fuddsoddi ym Mhlas Arthur sydd hefyd, fe gredwn yn chwarae rhan sylfaenol o ran hamdden yn yr gymuned ac sydd hefyd mewn lleoliad canolog.
15	<u>11/04/2019 09:17 AM</u> <u>ID: 113832002</u>	Er bod cau'r cwrs yn drist, mae'r ffaith bod angen cymhorthdal arno yn profi nad yw'n gynaliadwy.	Nid yw'r cwrs golff fel endid yn ariannol hyfyw, gan gollu £28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol.
16	<u>11/04/2019 10:15 AM</u> <u>ID: 113838028</u>	The County Council should attempt to get the best possible price for this land be selling it with planning permission.	Bydd ein Tîm Ystadau sydd â phrofiad sylweddol mewn gwaredu asedau yn arwain ar y gwerthiant. Gan fod y tir y tu allan i'r ffin ddatblygu, bydd yn cael ei farchnata fel mân-ddaliad bychan.
17	<u>11/04/2019 20:25 PM</u> <u>ID: 113899754</u>	Ni ddylid bod wedi cau'r cwrs golff.	Nid yw'r cwrs golff fel endid yn ariannol hyfyw, gan gollu £28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Dylid nodi hefyd bod y cwrs golff yn wasanaeth dewisol.
18	<u>12/04/2019 17:23 PM</u> <u>ID: 113970469</u>	Gwnaed asesiad annigonol o dan Ddeddf Llesiant Cenedlaethau'r Dyfodol. Nid yw ddigon dweud y byddwch yn rhoi sylw i'r ddeddf – rhaid gwneud hynny. Mae eich asesiad Llesiant eich hun yn tynnu sylw at bwysigrwydd gweithgareddau hamdden ac	Mae'r Cyngor Sir o'r farn bod asesiad digonol wedi'i gynnal sy'n cymryd i ystyriaeth gwahanol anghenion amrywiol ddefnyddwyr. Bydd y derbyniadau cyfalaf a dderbynnir yn cael eu neilltuo a'u gwario ar wella'r ddarpariaeth ym

		mae golff yn weithgaredd chwaraeon deniadol i genedlaethau amrywiol, yn enwedig yr henoed. Nid yw buddsoddi mewn mwy o leiniau 5 bob ochr yn darparu ar gyfer anghenion y grŵp hwn neu a oedd gennych chi fathau eraill o weithgareddau mwy sidêd mewn golwg? A ydych wedi ymgynghori â grwpiau penodol a allai gael eu heffeithio? Byddai llawer o ddechreuwyd fel fi yn teimlo'n hunanymwybodol iawn ar gwrs iawn ac nid oes gen i unman i fynd yn lleol ers iddo gau. Caniataodd Llangefni i mi ymarfer mewn lleoliad nad yw'n fygythiol. Mae nifer o Gyrsiau Golff rydych chi wedi cysylltu â nhw fel rhan o'r ymarfer hwn wedi mynegi pryder ynghylch cau'r cwrs oherwydd y bydd diffyg clybiau 'bwydo'. Ydych chi wedi meddwl y gallai'r penderfyniad hwn effeithio ar y niferoedd sy'n mynychu'r clybiau hyn a rhoi eu bodolaeth hwythau mewn perygl - gyda'r colledion dilynol o ran swyddi. Roedd y cwrs Golff yn caniatáu cyfle fforddiadwy i'r rheiny oedd â diddordeb mewn golff i gychwyn chwarae. Efallai mai hwn oedd yr unig gyfle i'r rhai ar incwm isel ddilyn y gamp ddrud hon ac felly mae'r penderfyniad yn creu mwy o anghydraddoldeb ac i wneud pethau'n waeth, mae'n gyfagos i un o'r ardaloedd mwyaf difreintiedig ar yr ynys.	Mhlas Arthur. Mae'r ddarpariaeth hon yn, a bydd yn parhau i gynnwys gweithgareddau ar gyfer pobl o bob ystod oedran a gallu. Bydd y llain ymarfer, fan ofal chwaraewr proffesiynol PGA yn parhau i fod ar agor i'r cyhoedd fel y gallant ddechrau chwarae neu wella eu gêm. Mae'r Cyngor Sir wedi ymgynghori â'r cyrsiau golff ac er y codwyd peth pryder, roeddent yn cytuno bod y llain ymarfer yn ased gwych y mae angen manteisio arno i'r eithaf a hefyd bod darpariaeth ddigonol / gor-ddarpariaeth o ran golff ar Ynys Môn. Mae Storws Wen a Bae Trearddur yn parhau i fod ar agor fel cyrsiau 'porthi' / cyrsiau i ddechreuwyd.
19	<u>22/04/2019 08:48 AM</u> <u>ID: 114545284</u>	Dyma le ble gallai gwell buddsoddiad gefnogi a gwella iechyd a lles yr hen a'r ifanc.	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Nid yw buddsoddi mwy yn y cyfleuster yn opsiwn. Dylid nodi hefyd bod y cwrs golff yn wasanaeth dewisol.
20	<u>25/04/2019 06:27 AM</u> <u>ID: 114818943</u>	Mae'n drueni bod yn rhaid iddo gau ond mae gan Ynys Môn a Gwynedd lawer o gyrsiau golff eraill. Mae'r llain ymarfer yn ardderchog nawr.	Barn y Cyngorau Sir yw bod darpariaeth golff ddigonol ar draws Ynys Môn a Gwynedd i ddarparu ar gyfer pob lefel. Mae arian yn cael ei fuddsoddi yn y llain ymarfer a bydd yn ased i'r cyhoedd.
21	<u>25/04/2019 08:54 AM</u> <u>ID: 114825360</u>	Ar yr amod fod yr HOLL arian a dderbynnir o'r gwerthiant yn cael ei ddefnyddio i wella'r adeilad a'r cyfleusterau yn Plas Arthur ac y rhoddir cyfyngiadau ar y tir fel na chaiff ei ddatblygu ar gyfer tai.	Bydd y derbyniadau cyfalaf a dderbynnir yn cael eu neilltuo a'u gwario ar wella'r ddarpariaeth ymhellach ym Mhlas Arthur. Mae'r tir y tu allan i ffin ddatblygu Llangefni a bydd yn cael ei werthu fel mân-ddaliad bychan.
22	<u>30/04/2019 10:28 AM</u> <u>ID: 115252012</u>	Pam cau cyfleusterau er mwyn ei werthu i ddatblygwyr godi tai sy'n rhy ddrud.	Mae'r tir y tu allan i ffin ddatblygu Llangefni a bydd yn cael ei werthu fel mân-ddaliad bychan.
23	<u>30/04/2019 10:38 AM</u> <u>ID: 115253312</u>	I believe the Council should retain ownership of the Golf Course and promote it, particularly for the benefit of those disadvantaged people who cannot afford the high fees charged by private clubs.	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Mae'r Cyngor Sir wedi ymgynghori â'r cyrsiau golff ac er y codwyd peth pryder, roeddent yn cytuno

			bod y llain ymarfer yn ased gwych y mae angen manteisio arno i'r eithaf a hefyd bod darpariaeth ddigonol / gor-ddarpariaeth o ran golff ar Ynys Môn. Dylid nodi hefyd bod y cwrs golff yn wasanaeth dewisol.
24	<u>30/04/2019 10:40 AM</u> <u>ID: 115253533</u>	Ar yr amod bod yr HOLL dderbyniadau cyfalaf yn cael eu buddsoddi ym Mhlas Arthur.	Bydd y derbyniadau cyfalaf a dderbynnir yn cael eu neilltuo a'u gwario ar wella'r ddarpariaeth ym Mhlas Arthur ymhellach.
25	<u>30/04/2019 11:56 AM</u> <u>ID: 115264529</u>	Mae angen lleoedd i annog pobl ifanc i gymryd golff i fyny heb gostau gormodol clwb golff. Mae Llangefni yn un o ychydig leoedd sy'n cynnig y cyfle hwn.	Bydd y llain ymarfer gyda chwaraewr PGA proffesiynol yn parhau i fod ar agor i'r cyhoedd. Bwriad y Cynghorau Sir yw sicrhau bod plant ysgol o bob oed yn cael eu hannog i gymryd rhan yn y gêm. Byddwn yn trafod hyn gyda'r chwaraewr PGA proffesiynol.
26	<u>30/04/2019 12:00 PM</u> <u>ID: 115265109</u>	Bydd yn drueni mawr colli'r unig llain ymarfer ar yr ynys. I rai, mae rownd lawn o golff yn rhy hir felly mae'r llain ymarfer yn eu helpu i ymarfer a datblygu 'swing' cyson.	Bydd y llain ymarfer gyda chwaraewr PGA proffesiynol yn parhau i fod ar agor i'r cyhoedd ac mae arian wrthi'n cael ei fuddsoddi ynddo.
27	<u>30/04/2019 12:20 PM</u> <u>ID: 115267790</u>	Mwy o dai yn yr ardal a llai o bethau i blant eu gwneud. Pam na wnawn ni gynnal twrnameintiau golff neu golff troed i blant ifanc.	Mae'r tir y tu allan i ffin ddatblygu Llangefni a bydd yn cael ei werthu fel mân-ddaliad bach. Bydd y llain ymarfer gyda chwaraewr PGA proffesiynol yn parhau i fod ar agor i'r cyhoedd. Bwriad y Cynghorau Sir yw sicrhau bod plant ysgol o bob oed yn cael eu hannog i gymryd rhan yn y gêm.
28	<u>30/04/2019 12:31 PM</u> <u>ID: 115269318</u>	Ail-agor y cwrs golff, dim lle tebyg iddo ar Ynys Môn.	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Mae Storws Wen a Bae Trearddur yn parhau i fod ar agor fel cyrsiau bwydo / dechreuwyr. Dylid nodi hefyd bod y cwrs golff yn wasanaeth dewisol.
29	<u>30/04/2019 18:43 PM</u> <u>ID: 115318449</u>	Dylid cau Tŷ Ffridd ac ail-fuddsoddi unrhyw enillion ym Mhlas Arthur. Dylai'r Cwrs Golff gael ei farchnata ar y farchnad agored ac oni bai y gellir ei werthu, a dylid gosod y tir fel tir pori am y tro a'i adolygu o bryd i'w gilydd. Dylai'r Llain Ymarfer, yr ardaloedd Ymarfer a'r siop barhau i fod ar agor i'r cyhoedd.	Rydym yn hyderus y bydd y tir yn cael ei werthu. Bu galw mawr erioed am werthiannau tebyg. Bydd yr elw o'r gwerthiant yn cael ei neilltuo a'i ail-fuddsoddi ym Mhlas Arthur. Bydd y llain ymarfer gyda chwaraewr PGA proffesiynol yn parhau i fod ar agor i'r cyhoedd ac mae arian wrthi'n cael ei fuddsoddi ynddo.
30	<u>30/04/2019 19:12 PM</u> <u>ID: 115319860</u>	Pam na ellir gwerthu'r Tŷ'r Ffridd ar wahân a chadw'r cwrs golff hyd yn oed pe bai'n talu ei ffordd - mae'n ased y mae pobl yr ynys yn mynd i'w goli am byth ac ni fydd byth yn dychwelyd i fod yn gwsr golff eto. Mae'n gynnig byr ei olwg oherwydd mae angen ailadeiladu'r canolfannau hamdden yn hytrach na masgio'r sefyllfa hefo gwelliannau amhroffidiol. Nid oes digon wedi'i wneud i osgoi'r sefyllfa hon ond rwy'n ofni bod y penderfyniad eisoes wedi'i	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Bydd y llain ymarfer wedi ei reoli gan chwaraewr golff PGA proffesiynol yn parhau i fod ar agor i'r cyhoedd. Bwriad y Cynghorau Sir yw sicrhau bod plant ysgol o bob oed yn cael eu hannog i gymryd rhan yn y gêm.

		wneud gan fod y llain ymarfer a'r siop eisoes yn gweithredu, mae'r cwrs wedi cau a'r arian wedi'i ddyrannu i Blas Arthur felly nid wyf yn deall pwrpas yr arolwg hwn. Dylai'r arian o werthu'r Tŷ'r Ffridd fod wedi cael ei ddefnyddio os o gwbl i barhau i redeg y cwrs golff. Yn anffodus ni fydd y penderfyniad hwn ond yn arwain at lai o bobl ifanc yn cymryd rhan mewn chwaraeon gan fod y cyrsiau golff preifat sydd ar gael yn gwbl anfforddiadwy ac elitaidd. Diolch.	Bydd y buddsoddiad ym Mhlas Arthur yn sylweddol a bydd yn sicrhau cynaliadwyedd tymor hir yr adeilad. Rydym o'r farn bod darpariaeth ddigonol ar gyfer pob lefel yn bodoli ar Ynys Môn a bydd y llain ymarfer yn parhau i fod ar agor. Dylid nodi hefyd mai gwasanaeth dewisol yw'r cwrs golff.
31	<u>30/04/2019 19:13 PM</u> <u>ID: 115321006</u>	Nifer ddewisol sy'n chwarae golff, mae mwy o bobl yn defnyddio'r gampfa, y pwll, cae 4g felly os yw'n colli arian, ni ddylai'r trethdalwyr dalu.	Nodwyd y sylw.
32	<u>30/04/2019 19:34 PM</u> <u>ID: 115322811</u>	Biti garw !!	Nid yw'r cwrs golff fel endid yn ariannol hyfyw, gan golli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Dylid nodi hefyd mai gwasanaeth dewisol yw'r cwrs golff.
33	<u>30/04/2019 19:45 PM</u> <u>ID: 115323666</u>	As long as the driving range is retained and that there is actual Investment in Plas Arthur. The Llangefni golf course is affordable to those who cannot afford to join another club. Therefore, those who run the driving range must be supported and substantial Investment made in Plas Arthur and the other centres – particularly Amlwch.	Bydd yr elw o'r gwerthiant yn cael ei neilltuo'n benodol a'i ail-fuddsoddi ym Mhlas Arthur. Bydd cyfleusterau hamdden eraill hefyd yn cael eu hadolygu fel rhan o'r broses. Bydd y llain ymarfer yn parhau i fod ar agor i'r cyhoedd dan ofal chwaraewr PGA proffesiynol. Byddwn yn parhau i weithio'n agos gyda'r tenant i sicrhau ei fod yn parhau i fod yn llwyddiant.
34	<u>30/04/2019 19:57 PM</u> <u>ID: 115324646</u>	Mae angen i ni gadw'r cwrs golff ar agor i annog pobl ifanc i gymryd rhan mewn chwaraeon awyr agored	Nid yw'r cwrs golff fel endid yn ariannol hyfyw, gan golli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Bydd y llain ymarfer yn parhau i fod ar agor i'r cyhoedd dan ofal chwaraewr PGA proffesiynol. Bwriad y Cyngor Sir yw sicrhau bod plant ysgol o bob oed yn cael eu hannog i gymryd rhan yn y gêm.
35	<u>30/04/2019 20:27 PM</u> <u>ID: 115326648</u>	Invest time and money in the current course. Make it attractive. Market the course as an attraction for children/primary schools etc. 1.A 9 hole golf course as per current facility (which is looked after) 2.A driving range as exists now 3.Fun Course – Crazy Golf 4.High quality 'Foot Golf' facility	Nid yw'r cwrs golff fel endid yn ariannol hyfyw, gan golli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Dylid nodi hefyd bod y cwrs golff yn wasanaeth dewisol. Bydd y llain ymarfer gyda chwaraewr PGA proffesiynol yn parhau i fod ar agor i'r cyhoedd. Bwriad y Cyngor Sir yw sicrhau bod plant ysgol o bob oed yn cael eu hannog i gymryd rhan yn y gêm. Nid yw'n bosibl ail-fuddsoddi yn y cwrs golff am y rhesymau a amlinellir yn yr adroddiadau cysylltiedig.

36	<u>03/05/2019 12:07 PM</u> <u>ID: 115602051</u>	Dim digon o gyrsiau talu a chwarae par 3 yn Ynys Môn.	Mae Storws Wen a Bae Trearddur yn parhau i fod ar agor fel cyrsiau bwydo / cyrsiau i ddechreuwyd a bydd y llain ymarfer hefyd yn parhau i fod ar agor i'r cyhoedd.
37	<u>08/05/2019 06:23 AM</u> <u>ID: 115987294</u>	Agree that it needs to be closed as it is losing money. Rates are high enough as they are.	Nodwyd y sylw.
38	<u>15/05/2019 11:36 AM</u> <u>ID: 116682845</u>	Mae Fields in Trust yn elusen annibynnol gyda dros 90 mlynedd o brofiad o amddiffyn parciau a mannau gwyrdd. Rydym yn gweithio gyda pherchnogion tir, grwpiau cymunedol a gwneuthurwyr polisi i hyrwyddo gwerth ein parciau a'n mannau gwyrdd i sicrhau eu bod yn cael eu gwarchod ar gyfer y dyfodol ar lefel leol a chenedlaethol. Mae Fields in Trust yn naturiol yn siomedig o glywed am y bwriad i gael gwared ar y Cwrs Golff yn Llangefni. Nodir y bu gostyngiad parhaus yn y ffigurau cyfranogiad ond efallai y bydd angen cadw'r cyfleuster ar agor fel y dywed y clybiau golff eraill er mwyn darparu mynediad dechreuol fforddiadwy i'r gamp ac i hwyluso gweithgaredd corfforol iach. Mae'n ymddangos fodd bynnag bod y penderfyniad i waredu yn seiliedig ar faterion ariannol yn bennaf ac mae buddion golff i iechyd a lles y defnyddwyr wedi'u hanwybyddu i raddau helaeth. Tra'n derbyn efallai na fydd yn bosibl parhau i gynnal cyfleuster o'r fath yn yr hinsawdd sydd ohoni, yn lle ei waredu'n llwyr, byddai Fields in Trust yn gofyn a fyddai modd cadw'r safle fel math arall o lecyn agored cyhoeddus sy'n llai heriol o safbwynt ariannol? Er nad yw'n glir nad oes angen y cyfleuster, mae Nodyn Cyngor Technegol (TAN) 16 Llywodraeth Cymru yn nodi "Pan nad ydynt yn angenrheidiol i'w pwrpas gwreiddiol, gellir defnyddio mannau agored i helpu i ddiwallu'r angen am gyfleoedd hamdden anffurfiol neu dir amwynder yn y gymuned ehangach. Dim ond lle gellir dangos yn glir nad oes prinder, y dylid ystyried y posibilrwydd o'u defnyddio ar gyfer datblygiad amgen". I grynhoi felly, mae Fields in Trust yn gwrthwynebu'r bwriad i gael gwared ar y cyfleuster hyd nes y darperir asesiad man agored sy'n dangos nad oes angen cadw'r safle i ddefnydd arall. Os dangosir bod digon o lecynnau agored yn yr ardal, rydym yn cydnabod y gallai lleoliad a thopograffi'r atal rhai defnyddiau a byddem yn hapus i ailystyried y gwrthwynebiad hwn.	Nid yw'r cwrs golff fel endid yn ariannol hyfyw, gan goli £ 28,000 y flwyddyn ar gyfartaledd. Nid yw hyn yn gynaliadwy felly mae'n rhaid gwneud penderfyniad anodd ar ei ddyfodol. Mae hamdden yn wasanaeth anstatudol / dewisol. Bydd y llain ymarfer yn parhau i fod ar agor i'r cyhoedd dan ofal chwaraewr PGA proffesiynol. Bwriad y Cyngor Sir yw sicrhau bod pobl o bob oed yn cael eu hannog i gymryd rhan yn y gêm. O ran eich cyfeiriad at "lecynnau agored eraill yn yr ardal" byddem yn dadlau bod Gwarchodfa Natur 25 erw Nant y Pandy sydd union gyferbyn â'r cwrs golff yn darparu lleoliad agored arall i aelodau'r cyhoedd ei fwynhau. Mae buddsoddiad sylweddol yn parhau i ddigwydd i sicrhau bod y warchodfa'n hygyrch ac yn cael ei mwynhau gan bob aelod o'r cyhoedd. Mae gan Llangefni hefyd o nifer o gaeau pêl-droed a rygbi yn ogystal â pharc sgelfrio a pharciau eraill.

39	<u>23/05/2019 12:50 PM</u> <u>ID: 117488554</u>	Mae angen i'r cyhoedd fedru cael mynediad am ddim i fwy, nid llai o fannau agored gwyrdd.	Nodwyd y sylw. Mae Gwarchodfa Natur 25 erw Nant y Pandy sydd union gyferbyn â'r cwrs golff yn darparu lleoliad arall i aelodau'r cyhoedd fwynhau manau agored.
40	<u>07/06/2019 12:00 PM</u> <u>ID: 118750865</u>	Mae Partneriaeth Adfywio Llangefni yn cytuno bod y llain ymarfer, yr ardaloedd ymarfer a'r siop yn parhau i fod ar agor i'r cyhoedd. Fodd bynnag, rydym yn anghytuno â gwerthu gweddill y tir a'r Ffridd ac ail-fuddsoddi'r arian ym Mhlas Arthur. Mae angen ymgynghori ymhellach â'r gymuned leol a phartneriaid â diddordeb ynghylch pa ddefnyddiau cymunedol eraill y gellid eu gwneud o'r tir a'r tŷ.	Nodwyd y sylw. Mae Gwarchodfa Natur 25 erw Nant y Pandy erw sydd union gyferbyn â'r cwrs golff yn darparu llecyn agored arall i aelodau'r cyhoedd ei fwynhau.
41	<u>07/06/2019 14:33 PM</u> <u>ID: 118766634</u>	SYLWADAU: CYNGOR TREF LLANGEFNI. Yn dilyn Cyngor Cyfreithiol ar gau'r Cwrs Golff chwe mis yn ôl, hoffai Aelodau Cyngor Tref Llangefni dynnu sylw at y canlynol yn unol â Rheoliadau Meysydd Chwarae (Cyfranogiad Cymunedol mewn Penderfyniadau Gwaredu) (Cymru) 2015: 1. Mae Rheoliadau 2015 yn nodi gweithdrefn y mae'n rhaid i Awdurdod Lleol ei dilyn wrth gael gwared ar gae chwarae oni bai y bydd yn dal i fod ar gael i'r cyhoedd yn dilyn y gwarediad. 2. Mae Rheoliad 5 o Reoliadau 2015 yn ei gwneud yn ofynnol i'r Cyngor Sir hysbysebu gwerthiant posibl cae chwarae am bythefnos mewn papur newydd lleol cyn i unrhyw benderfyniad gael ei wneud. Rhaid i gyfnod ymgynghori o 6 wythnos o leiaf fod ar gael ar gyfer sylwadau ar y gwerthiant arfaethedig a rhaid i fanylion y cynnig fod ar gael i'r cyhoedd. 3. Mae rheoliad 6 yn ei gwneud yn ofynnol i fanylion y gwerthiant arfaethedig gynnwys gwybodaeth am effaith y gwerthiant ar unrhyw "strategaethau, cynlluniau neu asesiadau perthnasol". 4. Mae rheoliad 7 yn ei gwneud yn ofynnol i'r Cyngor Sir ystyried yr holl sylwadau a wneir yn ystod y cyfnod ymgynghori. 5. Mae rheoliad 8 yn ei gwneud yn ofynnol i'r Cyngor Sir, os ydynt yn bwrw ymlaen â'r gwerthiant, i lunio adroddiad penderfyniad yn nodi'r sylwadau a dderbyniwyd a'i reswm dros benderfynu i barhau â'r gwerthiant. Rhaid i'r adroddiad fod ar gael i'r cyhoedd ei archwilio am o leiaf 6 wythnos a rhaid i'r penderfyniad ac argaeledd yr adroddiad gael ei hysbysebu mewn papur newydd lleol am bythefnos. Rhaid anfon copi o'r penderfyniad a'r	Mae'r Cyngor Sir wedi dilyn Rheoliadau 2015. Gweithredwyd hyn yn unol â'r rheoliadau. Rhoddwyd hysbysebion yn y papur newydd, mae'r ymgynghoriad wedi rhagddo am fwy na 6 wythnos a gosodwyd hysbysiadau ar y safle mewn lleoliadau amlwg. Gweithredwyd hyn yn unol â'r rheoliadau. Roedd Asesiad manwl o'r Effaith ar Gydraddoldeb yn rhan o'r broses ymgynghori i'r cyhoedd roi sylwadau arno. Bydd y Cyngor Sir yn ystyried ac yn ymateb yn ofalus i'r holl sylwadau a wneir. Nodwyd y sylw. Ymgwymerir â'r agwedd hon mewn modd a fydd yn cyd-fynd yn llawn â'r rheoliadau.

		adroddiad at bawb a gyflwynodd sylw. Hefyd, rhaid i'r Cyngor Sir beidio â gwerthu'r tir am o leiaf 12 wythnos ar ôl cyhoeddi'r penderfyniad (mae hyn yn caniatáu cychwyn adolygiad barnwrol cyn i'r gwerthiant fynd drwyddo). Mae aelodau Cyngor Tref Llangefni yn siomedig nad yw Cyngor Sir Ynys Môn wedi dilyn y Rheoliadau uchod ac ar ben hynny, nad yw wedi cynnwys y Cyngor Tref mewn proses benderfynu mor bwysig, sy'n cynnwys ac yn cael effaith uniongyrchol ar boblogaeth Llangefni a ardaloedd cyfagos.	Mae'r Cyngor Sir yn anghytuno nad yw'r rheoliadau wedi'u dilyn. Gan fod yr ymgynghoriad wedi bod yn ymgynghoriad cyhoeddus ac wedi cael cyhoeddusrwydd mawr, mae'r Cyngor Tref wedi cael cyfle i gymryd rhan fel y dangosir gan yr ymateb hwn.
42	<u>10/06/2019 10:50 AM</u> <u>ID: 119066663</u>	The document compares Llangefni golf course with courses such as Bwrron Hill or Bull Bay... a false comparison as these courses are not open to all (members only and membership is expensive). Llangefni and Storws Wen offer people the opportunity to arrive, pay and play immediately. It would be an useful resource to retain on the Island.	Mae'r Cyngor Sir wedi ymgynghori â'r cyrsiau golff ac er y codwyd peth pryder, roeddent yn cytuno bod y llain ymarfer yn ased gwyh y mae angen gwneud y defnydd gorau posibl ohoni a bod darpariaeth ddigonol / gor-ddarpariaeth mewn perthynas â golff ar Ynys Môn. Mae Storws Wen a Bae Trearddur yn parhau ai fod ar agor fel cyrsiau bwydo / cyrsiau i ddechreuwyd a bydd y llain ymarfer hefyd yn parhau i fod ar agor i'r cyhoedd.
43	<u>10/06/2019 11:01 AM</u> <u>ID: 119068201</u>	Mae argyfwng hinsawdd a bywyd gwyllt - trowch y tir yn goetir brodorol cynaliadwy gyda mynediad agored i bobl gerdded a mwynhau'r amgylchedd. Mae Plaid Cymru a Llywodraeth Cymru wedi datgan argyfwng hinsawdd - cefnogwch hyn a gwnewch y peth iawn trwy ddefnyddio tir i glustogi newid yn yr hinsawdd.	Nodwyd y sylw. Mae Gwarchodfa Natur 25 erw Nant y Pandy sydd union gyferbyn â'r cwrs golff yn darparu lle cyn agored arall i aelodau'r cyhoedd ei fwynhau. Mae'r tir y tu allan i ffin datblygu Llangefni a bydd yn cael ei werthu fel mân-ddaliad.
44	<u>10/06/2019 15:18 PM</u> <u>ID: 119106306</u>	Nid yw pleidlais ie / na syml yn caniatáu ar gyfer mewnbyn adeiladol. Cytuno â 1 a 3 ond nid 2 – dylai'r ynys gyfan elwa.	Gellir gwneud sylwadau drwy'r broses hon neu gysylltu â'r Swyddog yn uniongyrchol.
45	<u>10/06/2019 16:57 PM</u> <u>ID: 119119966</u>	There is nowhere to nurture golfing talent on the Island. We must support this and the golf course in Llangefni provides everybody with the opportunity to play.	Bydd y llain ymarfer gyda chwaraewr PGA proffesiynol yn parhau i fod ar agor i'r cyhoedd. Bwriad y Cyngor Sir yw sicrhau bod plant ysgol o bob oed yn cael eu hannog i gymryd rhan yn y gêm.
46	<u>27/07/2019 20:18 PM</u> <u>ID: 123140394</u>	1. Codi arian sydd ei angen yn fawr ac mae gan Ynys Môn lawer o gyrsiau golff gyda niferoedd yn gostwng sy'n fwy na pharod i groesawu'r math o chwaraewr a aeth i Llangefni 2. Dim ond yn deg bod yr arian yn cael ei fuddsoddi mewn hamdden yn ardal Llangefni gan ei fod yn gyfleuster hamdden sy'n diflannu 3. Dylai'r maes llain ymarfer a'r siop aros ar agor fel atyniad hamdden i drigolion ac ymwelwyr fel ei gilydd.	Amlinellodd y cyrsiau golff eraill yn Ynys Môn a ymatebodd y byddant oll yn gwneud mwy i ddenu a chadw chwaraewyr. Buddsoddir y dderbyniadau cyfalaf a dderbynnir ynm Mhlas Arthur yn bennaf. Bydd y llain ymarfer yn parhau i fod ar agor i'r cyhoedd ac mae buddsoddiad yn mynd rhagddo ar hyn o bryd i sicrhau ei fod yn parhau'n gynaliadwy.

47	<u>28/07/2019 16:45</u> PM <u>ID: 123170487</u>	Plenty of golfing venues on Anglesey and it would be better to spend money in order to keep Plas Arthur open.	Mae'r Cyngor Sir o'r farn bod darpariaeth ddigonol ar gael yn Ynys Môn ac y gall buddsoddi ym Mhlas Arthur sicrhau iechyd a llesiant y gymuned.
----	---	---	---